

刑叢毒藥 七八

津田文庫  
文庫 1  
1583  
3







荊叢毒藥卷第七

序

雜毒海序

白雲端和尚曰予多識前言往行遂成我志舊友僊處士壯此語而終裁一小冊以備之且乞題字予則名之為雜毒海處士愕然曰可得聞乎予曰西竺金仙自觸著此冷焰後南印北印膽裂心摧者知幾箇乎就中碧瞳胡種其尤者也及傳到赤縣有一馬有瞎驢日光玉潔其應綠步驟之間纔出片言如大火



侍者

禪恕集



010190607637



聚吐隻字如熱鐵板雷震颺捲越有生知者有困知者有入室者有升堂者于竺于支星散基布其後世澆人劣叢社秋深禪園霜寒行無良友退無明師唯杖遺言履往行爲夜途玉炬爲迷津船筏公亦日進月進忘自忘他忘凡忘聖到忘忘忘亦忘思想盡情塵盡則雖千言萬語盡是還丹一粒也若又自憶持相似語言誇口辯恃後敏培人我列嶽沾高抗劍樹則雖隻字渺茫雜毒海岸也千妖百怪識破則不成仇知雜毒則甘露也知甘露則雜毒也其顧焉處士喟然曰願記之予不辭記以冠卷首

谷津夫畠新橋化緣簿序

寬保第二壬戌秋予應請于萬松之命經過埃店三日程跋涉嶮峻四十里漸而投宿於六島寶珠勝藍翌晨徒步過三方廣原原上有老松是彼行旅蔭涼樹也萬松和尚自迎接而居行廚設茶果寵遇過度少焉肩輿直指西北漸近山下有河水曰夫島琅琅向東南流健夫七八輩分左右護肩輿來迎緇素褰裳相隨水勢半股各咬牙皺額兢兢而過予竊謂此河胡爲無板橋耶三四日後訪東隣實相練若復過彼河水輿僮告予曰此河滯礙者一月動二三次數



見顛溺患執死<sub>レ</sub>者間亦有之予重思念夫修道路  
架津梁為善緣中要德行中最遠近緇素合力豈其  
難哉積小累歲月必見彼落成之日謀善與眾是又  
利濟之善巧乎於此裁化緣小簿此間所得施利四  
十<sub>錢</sub>緇并村偈以附大通自耕元海圓通四庵主是亦  
千里一步大山一簣乎竹橋纜架小溪濱勝寶塔周  
剎剎塵忍聽春霖秋雨日此河動害路行人

過去牒序

享保乙卯仲秋之日綾氏隱士袖一小冊來請為之  
序即所謂點鬼簿者也鬼簿者胡為物哉記其親戚

朋友前往後去者幽名而備香華之蚤莫者也大凡  
人情於親戚朋友及其語言一室之內飲噉一宴之  
間有陳雷盟管鮑睦當其筵露風悲輓歌聲苦若少  
慘然日往月累則寒無記忘日亦忘雖骨肉親考妣  
愛亦然<sub>是</sub>人情之常也如綾氏寔佳如綾氏寔其篤  
矣予竊謂綾氏此舉雖佳未盡善雖篤未為至焉蓋  
試論之大凡人各有四智正因具三明智鏡名之大  
事因緣謂之正法眼藏了之則為萬德佛祖失之則  
為眾苦異類高明尊貴塵刹之間全無有倫比即今  
追慕親戚愛念朋友底心是也要了知彼尊貴辨得



高明十二時辰三四威儀單單點檢何物恁麼運動  
何物恁麼談論是肝膽肺脾耶是青黃赤白耶盡一  
生必定決定可了知頻頻點檢檢去點來辨得一日  
二日雖廢寢食確乎要透脫底勇猛信根此心纔憤  
起則不日打發去當其打發頃自心他心親戚心佛  
心神心衆生心一見見透全無疑惑是名清淨他心  
通當見透他心頃了知人人本具底心上無一點生  
死無一點無明廣大圓明高閒虛凝全無能所全無  
滲漏是名清淨漏盡通當證得漏盡頃自界他界佛  
界魔界十方淨刹六趣穢土一見見徹如見掌果是

名清淨天眼通及煥發天眼頃廣大劫來輪轉昇沈  
之蹤塵點劫後往復遷流之事昭昭焉如對寶鏡是  
名清淨宿命智通當辨成宿命頃聲聞聲菩薩聲佛  
聲神聲波旬聲有情聲無情聲餓鬼聲脩羅聲畜生  
聲啼哭歡喜怒罵稱讚世間所有高聲低聲一聞聞  
取全無餘韻是名清淨天耳通當淵發天耳頃喫粥  
喫飯運動施為是非修得底非學得底徹了人人本  
具底活三昧是名清淨神境通當此時百千法門無  
量妙義世間所有功德聚世間所有寶莊嚴盡具足  
自心上無毫髮欠闕非真覺所謂六度萬行體中圓



者乎人間天上善果何勝之三乘四果歡喜豈過之哉嗚呼其得難受難者人身也逢希聞希者佛法也雖今既受今既聞空慕夢幻名利不懲苦聚惡種茫而終再歸嶮難三途之舊里寔可惜寔可悲其信與不信纔一念子而霄壤趣異昇降途杳古我本師大覺調御擲金輪寶位下萬乘貴階求出離要道焉吾輩塵芥微軀鄙賤殘質豈堪執哉豈足云哉譬有神仙齒筭守八萬壽域空華遮眼野馬過隙况吾輩蜉蝣難保命水泡難堪身哉佛法中以信因果恐苦報為智慧以了己心見自性為賢聖是非欺誑之語

戲論之說真正朴實頭論也且夫非道廢從前功果止從前進趣於進趣間持誦時抱孫處弄子頃時時點檢且復每且讀此序一返讀了誦來忽然輒出真正見徹底信根勝行取他八萬箇細行豈不痛快哉非是弄筆硯逞文術今見公少發信根不堪歡喜不覺叨叨而已嗚呼叨叨為資培公新發信根也其願焉

送惟融之海西序

人生禍福非所以一旦而致者苟護諂面諛鼠偷狼貪爵祿日增褒賞月高海市蜃樓實不足取是盡賤



劣不肖之士所祭者而男兒所不欲者也一朝奸計已盡偷筭乍敗則寥寥宇宙間無所容七尺躬矣若夫忠膽義腸飲貞亮而臥食純素而坐以不欲無施當難忍能行則雖無食鼎富無汗背慚雖無衣輕榮無噬臍悔是大丈夫傑出萬夫者懷也况道德仁義以正直弼焉顧夫旨酒亂爾行莫以涓滴洒口頭博奕奪爾志莫以一指觸臍器多言來爾禍莫以三寸演是非花柳陷爾身莫以瞬視照妖姿雖毫芒侵之則永與予遠矣他日莫欺予不明縱幸而欺得奈彼上天何奈彼百靈何此行非暫時別故書送焉

水月論序

嗟澆季哉淳朴之風一洗而膺緇徒走利如蜜蜂纏花似寒蟬抱葉有志人誰為之不嗟悼乎鷹嶽南林榮榮老和尚者新豐餘韻調古曲高常傷狂瀾不迴嘆古道難再嘆不足教以古道教不足自書水月論筆及詞鋒換轉有力照破邪正秦鏡失輝透過明暗趙璧吞光雖一軸不足千言還丹一粒不可比驢馱藥者也有志人誰為之不左祖乎嗚呼公論哉人人具水乎箇箇圓月乎到彼修證懺摩事則識者辨焉

送稻瀨時國歸武陵序

前漢書卷之七



昔寇恂治潁川歸潁川民老幼攀車轂號泣請借雷  
一年昔伯周治合浦歸合浦民強弱遮道路恨棄隔  
萬里大夫夫兒不治民則已若一日治之豈不庶幾  
乎濃陽產稻瀨時國享保己酉來治南豆一片忠烈  
肝膽仁恕肺腑導之以仁撫之以義越狼戾之民恐  
如斧鉞淳朴之庶慕如父母東訟西訴終不見漏稻  
氏手東指官府者南豆大治十年於此矣今歲戊午  
之春應召於東府乘輿未轄鞍馬未秣市邑失色老  
幼帶淚悲善人卒遠去嘆仁者再難見嗚呼如時國  
者實謂國器乎可惜勞力於一境邊國之間矣先託

後漢書卷之七

伯周字

漢順帝朝人

代官

孟嘗君

言於予舊友莊氏子憲英者請贖一言予言顧夫予  
於稻氏心交六七歲生平舉措日用施為審知之焉  
實當世奇士也我其何言憲英曰稻氏嘗云大凡士  
大夫在官途挾勢權者往往有不可貽厥者吾常恐  
不貽福於後嗣亦只庶幾寡其過焉是故善言恐聞  
之晚善行恐學之鮮矣予言稻家之需寔佳稻家之  
志寔可敬且夫善言者聞非難守之大難善行者學  
非難行之大難雖林下人所以嚙悼者也近世薄人  
劣聞達惟求利用惟計往往有殘忍刻剥民欲食其  
肉者有貪飲凶暴民欲尿其背者未曾見寄心者般

貽厥 詩文王有毛  
孫謀以燕翼子

前漢書卷之七

七



事者然在官途貽禍於後嗣者夥矣此論尚未精密  
 原夫官途寔貽福於後嗣之大路而又寔貽於其禍  
 後嗣之場地也雖在官途德行惟修子孫豈不受其  
 福雖在私室貪戾惟積子孫豈不受其禍哉往往在  
 官忠恕惟勤子孫益盛大者傳記所載不暇枚舉若  
 人在官仁心養之令充忠恕行之令佐恩及黎民澤  
 被草木民自為堯舜民其民既為堯舜民其君豈不  
 為堯舜君哉然則自然上契佛理通神明下宜眾庶  
 佐邦國於是乎百靈擁護善神呵禁何德不積何福  
 不至於私于官只由其行善不善而已古之明君曰

千端萬事以仁為本宜哉君玉葉永世萬年嗚呼仁  
 乎仁乎王侯之寶而社稷之命也王侯若不仁乎其  
 國其久哉士庶若不仁乎其家其久哉憲英曰養仁  
 之道可得聞哉惻隱仁之端羞惡義之端辭讓禮之端是非智之端四者四德本根  
 也養而令充則可到聖賢地位矣養之如何四端欲  
 同時養之混同而不分若謂偏養之者一日於惻隱  
 一日於羞惡乎予曰不然古不言乎人性上不可加  
 一物且夫四端者備中而臨期且生之心也若以四  
 物別白養之混黑令充之塊塊乎胸臆之間而大為  
 疾矣如予林下士學雖乏聖經試論之大凡無貴無

舟車錄卷之七



賤人類及昆蟲各各有本具底靈德非仁非義非凡  
 非聖而能仁能義能凡能聖為四端母為萬法祖眾  
 聖名不得百靈形不得金仙稱之名一大事因緣宜  
 尼稱之為上天之載李聃稱之為希夷大道孟軻稱  
 之道浩然之氣莊周稱之道赤水神珠雖常昭昭在  
 心目間溺人欲之私牽舊習之情久而不還彼惻隱  
 羞惡者雖陰陰有生其間如閃電拂如淡霞浮全不  
 得力雖欲能仁能義不可得矣若人欲養仁義令充  
 之十二時辰三四威儀拈拋想念擲下情量心上快  
 明去胸裏清高去方寸自然了了分明透脫聲色貫

通物我覺知自家從來非仁非義非凡非聖底一團  
 靈光焉此之謂止於至善矣顏子陋巷原憲漏室豈  
 為他事哉夫人志於學而不於此則未足稱學焉勵  
 行而不於此則未足稱行焉當此時四端自不待養  
 而能仁能義識量自寬大智鑑自高明縱佐大國事  
 從天下政亦無大過豈不快哉莊氏若見稻家以此  
 言告之莊氏稽首曰我豈堪敢記持此言以報彼願  
 記之固辭不聽遂不顧寡陋記以祝延稻家遠大云  
 爾

送三谷龐美之武陵序

利黃正母志卷之七



東照大権現也

明代開國武臣前石見守秀用流裔遠州路伊井谷  
府君近藤用純自稱為元海齋天資忠貞仁恕歸仰  
宗乘有年于茲矣隔伊井西東里許構兩宇草廬東  
稱元海西為大通其風致清絕各安置補陀大士聖  
容其宰臣三谷胤美佐其志矣寬保壬戌秋予在萬  
松日應谷氏請遊彼勝場三宿二宿谷氏言曰主君  
藤氏占草廬於此地非他後命彼名藍巨刹也只放  
真正參玄上士一箇兩箇專一令究明己事足而已  
是其本志也予竊謂嗚呼如藤侯大聰利人也宿有  
靈骨扶宗志願盛大者乎林下士若感君之本志提

折脚鎗咬野菜莖密參潛修忽乎究決大事則莫謂  
一把茅亭雄厯殿堂鏤金莊嚴奪目底諸方開伽藍  
百千億倍乎遙知藤侯知見超出常情之外也又聞  
府君生平操履潔白持戒禪誦其精進勇銳寔火中  
蓮也遙祈府君更前一步谷氏曰可得聞哉予曰佛  
言人有二十難富貴好道難人各具四智正因誰無  
好道底唯入道最難若人不能入得道同體不二縱  
一食卯齋去六時行導去感得天華亂墜異香薰徹  
總是生死大兆豈足取哉有一句子截生死纖根如  
倚天長劍摧無明窠窟如萬斤鐵鎚僧問趙州萬法

一利養上母法卷之七

十



歸一一歸何處州曰我在青州作一領布衫重七斤  
此話極有靈驗若人提撕此話開處靜處行住坐臥  
豎究橫究究到無可究處無手脚可著無情解可  
加此時不生退倦單單參究一旦廓然落節有三十  
年來未曾見未曾聞底大歡喜人間天上善果豈如  
之哉其他衆善萬行大丈夫兒豈足顧哉谷氏曰願  
書之以贖予東歸乃書以送之

賀久保田宗蘊居士古稀序

芙蓉峰南麓舊市場之住久保田宗蘊居士志氣貞  
正寔一鄉之善士也今歲元文辛酉歲逢古稀佳辰

其鄉黨朋友于詩于文有詞藻傾神者有手澤驚目  
者軸將見牛腰特以不得予一辭為欠矣託鄰邑長  
場氏茂貞者乞之諄諄焉是又彼親戚予曰使居士  
賀之祝之育之養之壽筭八旬可得乎場氏曰不怠  
得之不難矣予曰育之養之令壽量九旬可得乎場  
氏曰十之八九者難得而已予曰育之養之令保百  
齡可得乎場氏曰九旬且難言況百齡乎予曰然縱  
使居士八百星霜千歲壽域如赤松去齊黃石太紫  
電隙影碧海一漚沫耳豈足恃乎有一人先無極不  
見所生起後太虛不見終焉地巍巍焉堂堂乎劫火

黃石公 文道侯傳  
張良見一老人必一編  
唇曰讀之為王者師  
後十三年見吾濟北  
穀城下黃石即我



焦四禪却大尺初禪耳不管毘嵐摧八極不知常昭昭目前永亭亭  
物表是名玄元皇帝是為久視真人道寂本尊雖上下神祇無  
不歸仰上六即今居士送賓迎客謝賀請祝抱孫弄兒底  
心是也了知則不轉肉身之慧眼頓煥發而為長生  
不死神仙打失則變遷生死之凡骨有北洲長壽之  
快樂終不免淪墜居士試推究看恁麼見聞覺知底  
是何物鬧處靜處一切處推究不怠有七十年來未  
曾見底大歡喜是換骨頤神父子不傳之妙術也書  
以賀古稀長壽應場氏需云祝祝

大中海眾盆山題詠序

維三及文殊并末相而未

無來先生袖一拳石來呈不住庵主曰夫泰山一拳  
石之大也一拳石泰山之小也此小者不異彼大者  
彼大亦同此小而大小同異見之妄也拳石泰山名  
之假也夫拳石本無情泰山亦無情人豈固有妄假  
情是故一拳石即有不可說不可說妙玄門不住庵  
主無喜色先生請益庵主即執拳石按盆中置座正  
位坐而默然先生即點頭拳石亦點頭庵主即作舞  
所謂長壽曲也無來先生本無來庵主不暫住唯這  
盆中石玲瓏古今可翫因使四賓賦盆石詩一章且  
并錄焉媧氏補天後隕星化作山谷盤思卜築峯轉



好躋攀片地蓬瀛境一林清濁間無心人對坐床角  
起雲閒享保壬寅夏大中鐵維那出一卷軸曰堂頭  
和尚命雲眾作盆石詩且使師判焉予曰吁子來前  
夫鳳凰林衆鳥吞聲獅子野群獸失氣況田山膏腴  
之地而未苗各近秋成僕放懶徒日日曠睡目如膠  
終不歷隻字從前憶持記取者忘於十之八九是所  
謂緇田穉穉也彼辨糲糠於箕下擇美稼於莊上則  
非我任我不甜焉鐵曰鳳林不乏鳳獅野豈無獅翔  
乎躑乎我輩指以師矣昔八尺鷄且寄言於九萬里  
之鵬師何煩辭焉予曰嗟使狗吠發於獅皮使鷄舌

和於鳳鳴者子乎於是東楚者八九擬批者一篇以  
約一笑於田山雲堂下云

前叢書卷之七

三



王龍標 王昌齡字少伯江寧人工詩時謂王江寧開元間第進士補秘書郎不謹細行敗去電標尉以五亂還鄉里  
賈島佛字浪仙范陽人未洛陽韓愈致令爲文初爲浮屠名元本後去浮屠進士有李同者蒙島爲詩鑄像以資之嘗稱賈島仙

跋

大中海衆盆山題詠跋

一軸中有漢魏之質有唐宋之文山林幽邃泉石佳趣王龍標所秘賈島佛所舐者也予則豎吟橫吟手不暫捨彷彿纔春睡夢一道士蠟髮鰓目垢衣落魄飄然柴立其聲如求如訟如羨如憤且告曰衲僧能殺石活石予曰可得聞耶道士乃指机上小石峯曰此山秀麗也走昔同鳳輦從田於周王大華嶮九疑秀驪山美廬岳竒徧無不經歷今此小頑質兼衆體麗奪鬼工所以數員雲衲纔皺眉則美玉傾盆精金

老衲一杖 玄翁玄妙禪師用法於峨山後人也一日推杖敲石三下曰汝元來石頭性從何來吳從何起又敲三下石流汗震動却然解散忽有異人設拜曰我是此石之鬼也蒙師指示頓脫苦趣得往天言訖而沒

出鑛於此光彩煥發聲價十倍雖是非情塊石可入則泰也走中憤恨凝結化爲數仞毒石無貴無賤于禽于獸殺之又殺爛骸徧野自謂雖神鬼不可觸忤何計得老衲一杖而七支八裂終不畱點塵雖是非情塊石賊物則否也非是走所謂衲僧能殺石衲僧能活石者哉想夫能仁氏徒恩不捨土石師盍有一句輝我予曰嗚呼我知之元曆中喫二浦一箭者非彌哉道士低頭笑予朗吟未了終不見其處  
應禪人需書帖尾  
僕賤劣之材鄙微之質加以秃毫澁墨至彼騰蛟起

前叢書卷之七

十四



鳳勢回驚蛇，妙寔絕望於其間者也。然輕昏亂措國者，應公諄諄之需耳。蓋嘗見玉人自非勞力於頑石之間，久者不能獲夜光。公若欲到文墨妙處，其思焉。

聯句跋

享保辛丑杪秋夜月白風清時，淨刹主人大中老人。  
白碧竝對坐，光光映徹乍成奇。紋鈞也侍側，密上紙上來。其始對則如朝陽排煙霞，似秋蟾離雲霧，有飄然者有仙乎者，如入群玉府，似立瓊枝林。虎變龍騰，玉走金鳴，目為之奪心為之蕩。予則側身而千噉打。

黔上野 柳宗元文曰  
黔之野一鳴虎大駭  
以為且噬 稍近狎  
蕩倚 衛昌野不勝  
怒蹄之虎因喜計  
曰收止此余跳跟大  
闕斷其喉 尽肉乃  
去

膝而百嘆鈞也出，一小箋曰：二師有尊命使師細評予肅爾敬凜乎惶且告曰：嗚呼渴望人渴望人，彼人者海東巨膊而弄大旗手也。予所仰望終世者也。所愛敬占憐者也。嗚呼寵遇之厚，何至此也。予聞之代大匠而斲者，必傷手焉。不如於汶上歟。鈞也稽首曰：未可也。未可也。師且作巖下兒莫顧黔上驢。予則再拜而判朱勾冠上者兔絲而繫玉樹者也。鄙辭履下者，硬礮而擊璠璣者也。



銘

鐘銘

北豆長崎村長昌禪院者一鄉寶區而瑠璃光聚之  
嚴場也河水迴轉群山獻奇今歲丁亥秋新懸一鐘  
住持竹院座元乞予銘辭蓋夫鐘西方之聲而秋收  
也宜哉眾功德收歸此一器予隨喜不辭作銘以祝  
遠遠未鑄成初音吞十虛非是商羽無欠無餘

同

大哉金口說超越海藏書吼破千生暗鑿開萬德  
聽官纔動著乍墮聲色墟且反照聞處洪音滿十虛

劍輪魚 昔四洲戰叱王時安息王爭回互起群兵一兩陣交戰劇嘯叱王得勝宮安息王士卒九億因殺殺害業因死生大  
海中或千頭魚常有  
劍輪空下斬截其千頭  
魚然又續如故或千頭  
魚次才斬次才生如是  
展轉劍輪下空斬首  
若量有牙撲撞鐘  
間此也劍輪暫過空  
不下故其苦痛少息  
敗千頭魚發告唯願  
大德安懷豈豈新懇  
若鳴鐘必便長依鳴  
鐘長劍輪若即斷

竹區藏傳六

一音微妙法鵲噪是何歟百八不生曲鴉鳴其舍諸  
萬靈鎮保護千佛更讚譽震裂群魔窟擊碎情識居  
曾警通客酒或化劍輪魚諸行兮具足眾病兮悉除  
右顧吞冰鏡左邊吐日車心佛眾無別金銀銅一如  
論彼耳功德盡是爾緒餘

半鐘銘

不是心不是物不因緣生不化工作離婁不見其形  
師曠不聞其聲其斯此曰半鐘以半擬之則體包十  
虛以全配之卻無痕跡寔為法王庫內大器者也今  
歲享保甲辰春命其良冶子既而成掛著予東堂左

向叢毒經卷之七

廿六



角洪音妙唱隨扣擊無欠予即合掌祝曰未鑄成始  
錚錚錚既鑄成後錚錚錚就中最苦錚錚錚  
鏡心智性禪尼率屠婆銘

豐陽虔禪人孜孜參究者有年于此雖在清關下行  
程隔數里如在予膝下也元文丁巳秋聞萱草凋枯  
哀嘆過度傾鉢囊來供養予西東社友二三次今年  
己未秋逢彼三周忌景駿豆間歲大凶而菜色充野  
之頃擊鉢振錫營辦齋儀來飯一堂修水陸會予見  
其孝心自書塔銘曰蛩吟古砌月昇始鴉立舊巢葉  
落時莫道僧中吳起在三年盡力率屠兒

自淨院殿行輝寂明大居士塔銘

惟時寬保第二壬戌仲秋十五奠當江州府君中將  
藤直定卿二十二代宗祖自淨院殿行輝寂明大居  
士六百五十霜遠辰龍潭堂上為追修居士冥福資  
培府君祿壽結半百聖制供養千指海眾禪坐誦經  
準繩規矩寔叢林近來盛事茲造立一基木浮屠銘  
云行輝六百五十年自淨其心護遠孫木塔稜層三  
萬丈衲僧千指坐禪園  
小川養田寺半鐘銘  
檀越深澤正寬與近隣諸友共鑄小鐘以備瑞泉夜

前叢毒...

...



并前卷卷之七  
禪晝誦且請銘辭於老僧即合掌祝曰二龍含珠半身現銅鐵形模腹空閒哮破無明長夜闍擊摧生死萬重關劔輪魚渡小川岸金口聲從祥瑞山促此勝緣知是孰溪澤氏子字正寬

三明禪寺經塚銘

刹  
三明嶺上寺山號剛嶽而傳道古巨刹封疆不記涯山下有舊塚怪松老猶敬享保十九曆歲其宿甲寅暴風起東北飛壤拔樹枝塚崩樹乍倒其擲如虎貌塚中有大甕小甕圍如兒中如筒六箇銅鑰以作之器器虛索索全無片塵遺不知何為物老幼聚驚疑

熟視銅鑰器文字數行貽納經施者字每器記如斯妙法經百部建久甲寅春貞宗藤散位其室又藤氏源橘及伴紀姓名各不卑嗚呼古諸士善信何如茲感其誠信厚誰不為傷悲建久甲寅納享保甲寅披建久到享保甲寅九度移銅器畱在寺甕民各爭持其良田氏父是一鄉舊耆愁其器隕沒再聚納古基追憶前人美供養數員緇苦修水陸會其供具寔孜願十方賢聖特大覺本師依此小善力護法諸神祇及十方鬼類苦趣永遠離彼納經施者再成菩提資且田氏貽厥永世其受禧以此數般事卒言書石碑



即享保乙卯中秋三五時沙羅林布衲隨喜記此詞

觀音寺僧堂梁牌銘

元文元年丙辰仲冬植松氏季統追修父營峰玄  
樞居士及弟真巖是性信士冥福次開妙智山觀  
音禪寺之古基造立小僧堂及小僧廚其入佛安座  
之日述一伽陀以記始末吾昔密看孝子傳誠情所  
感徹昊天錦囊紫石及金釜冰魚雪筍或甘泉惟是  
資暫時幻質比彼冥福隔天淵植松氏子字季統宜  
弟宜翁好簡編今歲元丈丙辰夏其爺既化北邙煙  
同還杪夏下浣日其弟者英謝世緣謝世緣因何太

紫石 北朝梁彥光  
字修之有至性七歲時  
父篤疾醫云得紫石  
石英可愈度公求之  
不得憂瘁不知所為  
勿心於園中見一物  
先不識投之故醫  
視之曰一一也父之病  
得愈

速春秋二十無餘員溫純自有善人質貞亮可侍君  
子邊骨肉頑翬情最淡況其人如玉可憐老惜幼惜  
踈亦惜遠悃近悃親轉悃松家慟哭堪腸斷奉佛請  
僧設齋筵甘露普灑水陸會其餘眾善勤拳拳西林  
有寺久頽廢昔掛觀音妙智扁松栢悴聞鳴鴉叫榛  
荆鎖看兔狐眠松家父樞居士興復志萌茲有年  
統能感先人美志刈榛平土古基全中締一字小禪  
窟再請補陀古老仙大士端嚴殊絕相傳言高野大  
師鐫僧廚北構甚蕭索今住袈裟一兩肩是統非紹  
父志欲救弟六趣饌後來住此庵中者持誦禪



冥其顧焉道業願次第成熟本然四智一時圓專禱  
玄樞老居士真巖是性泉下賢願報答此善根力坐  
摧自性紫金蓮又祈善逝世間解及十方之方福田  
特大慈施無畏者松家瓜瓞永綿綿元文第一仲冬  
日松蔭老夫親祝延

大龍寺藥師塔婆銘

三脚蝦蟆著鐵鞋一香一色一如來法身大病有三種二種靈光昏兩回二光三種甚嶮確看來堪笑又堪哀瑠璃光聚為君發紫栗黃柑吠如雷  
觀音寺入佛塔婆銘

寶曆乙亥季秋日妙智山頭鼓法雷屈請秋葉山中  
主驚補陀巖畔眠回大士高野山開祖禪寂定中彫  
刻來近頃松氏賢處士營辨佛龕擲錢財西東同志  
信男女傍築一字小石臺其志仰二尊神德為道彼  
回祿悲哀松氏長隨喜此舉迎彼神影照舊苔老幼  
奔波親瞻禮誦十句經叫善哉願二尊鎮坐此處永  
救病難與火災次冀詣此靈場者同共成無上菩提

同安座

上晉大悲救苦者左邊秋葉嶺頭神君臣不二水波  
合攘斥八難護窮民



十王安座供養塔銘

原夫駿東青野邑光明庵者古老口碑曰元是願王大寶場而閻羅大山平等都市王等十大王聖像隨而現在西東數村所歸仰寔駿東無雙寶區也悲哉中古有大水災老螺劈巉巖高山白浪漲西東五里田園乍化瀰漫江海海若爭趨河伯瞋吼推倒堤塘漂流民屋不擇佛場神區當此時可惜光明靈窟俄摧落數尊聖容終為水神獲何幸哉獨大士尊容經三餘里畱跡於隣驛吉原邑今於彼地稱青野地藏者是也可悲光明庵者基趾僅殘空有名矣近頃

光明庵主紹源首座為慈父智嶽宗本庵主慈母安室妙休大姉冥福追修願傾資財再造立諸尊靈容寔志願廣大而力量小也是故傷祈神佛冥助誓克光明真言百萬遍功課常暗誦而不廢希有哉今茲寶曆丙子夏忽然聖像成矣寔真言功力所致歟今當夷則十六僧自恣佳辰請予點眼安座予則打一偈曰利濟三塗受苦人常遊冥界轉願輪大慈外現十王位內秘意生菩薩身

木田院碑

積金遺子孫子孫無能護積書遺子孫子孫無能讀



不如積陰德於冥冥中以遺子孫長久之計也攝浪  
 萃府木田種重（鉄屋惣左衛門）今歲丁宗祖百年遠辰豫設齋筵造  
 碑乞銘愿其田氏者遠出自鎮守府將軍滿仲源公  
 在攝之多田鄉二百餘歲而後承久之間源公九世  
 重長屬征夷將軍賴經之旗下大有軍功任美濃守  
 領木田庄仍以爲氏子孫繼紹至義且又出濃州歸  
 多田鄉寄寓鹽川家矣當應仁文明之亂義且有大  
 功射退攝河近阿之群寇其子重正共立奇功然列  
 國互亂上下皆苦嫡孫善氏告其子弟曰時哉（七カ）爾輩  
 其歸休古曰危邦不入亂邦不居寔哉自從處危困

其子孫何如居安積陰德於冥冥中乎於是結廬於  
 本鄉祖宮之傍以玉其言彦孫重躬移居浪華專事  
 商業豪族數十家興皆濕其澤無不以稱其垂蔭之  
 德後稱曰木田院月桂秋圓居士永爲家門高祖予  
 竊謂嗚呼如善氏者能知時運教德行於子孫可謂  
 智鑑高明善士也田氏其顧之大凡古今豪家貴門  
 其爲從何興起哉上敬神佛下救窮困惟德惟勤其  
 斯無不爲之本焉汝之宗祖能務其本而汝之子弟  
 今濕其末若誇其末不紹其本家門一世衰矣如吾  
 子宿有靈骨常歸仰三寶近入老僧室參禪清苦有



些子所得勉旃吾子莫得小為足轉了轉參轉悟轉  
舉波徹法之淵源永劫鞭四弘誓願輪利濟一切群  
生流類是名菩提心為菩薩大行有人縱學盡三界  
秘密行盡萬善若無菩提心終落魔道是故雲門大  
師曰顧鑑嘆

荆叢毒藥卷第七

荆叢毒藥卷第八

侍者 禪恕集

贊

出山佛

琢破大圓鏡活埋黑暗昏一片瘦稜骨鷺兒過雪村

十三佛

海天負壽大姊令良畫守信寫十三聖容面貌端正  
威儀森嚴衆心悅可萬德具足即乞余贊辭  
大絃颯爽十三徽曲曲一如休萬機譬鑄黃金成百  
器觸時音韻不相違



寫三千佛名作三佛像

作佛形像經曰佛告于填王言若當來世有作佛形像功德無量不可稱量天上人中受諸快樂身體常作紫磨金色若生人中常生帝王大臣長者賢善家子又純圓獨妙經曰絲畫作佛像百福莊嚴相自作若使人作皆已成佛道乃至童子戲若艸木及筆或以指爪甲而畫作佛像如是諸人等漸漸積功德具足大悲心皆已成佛道是盡廣長舌所詮不可容思議之論也寬保初予赴請於羽城富春日壁間掛三佛陀筆法古高為良畫毡淡墨拂出者熟看寫過現

未三千佛聖號細字以繪成者也每一軀一千佛寶號嚴然焉嗚呼累歲月勤學巧妙者可微及乎到其信根鄭重誰不建降旗哉予嘆嚔之餘不覺合掌低頭桂林主人云是近頃妙樂禪水老人從禪餘遊戲三昧力幻出者而先師入寺旬餘為贊辭待師久矣予隨喜而然諾雖諾講錄之餘接賓對眾剪爪之暇亦不得散筵日雖佛像猶在壁間唯低頭一別矣昨桂林和尚遠馳專使見訪予暑中健否人事終使更推出彼三軸云為贊辭三佛越嶮涉炎遂到此間者也師今得道無剪爪之暇麼書而明朝附予歸袖焉



千佛之長沙景岩禪  
中因有秀才看千佛  
名經問云百千諸佛  
相見其名未審居  
何國土還化物也  
而曰黃雀雀雀題  
題后秀才還題  
未曰亦曾師云得  
開題取一篇好  
片元四

於此挑燈火忍煩暑書背後大汗書了看讀一過字  
形荒踈偈句醜拙不覺通身如洗其斯謂之慚汗乎  
親寫得三千佛名束成三佛甚分明當來過現不可  
得驚得毘盧出荒州  
睡有大市云。出得毘盧。其字。韻字可。與林老師之真筆。書。從。目。下。同。  
可貴寫千佛底人杳超越古佛三身縱安著百千名  
字若擬此人總不親  
主人公  
千佛有名一佛中祇今何處度群蒙雀顯題後荒黃  
鶴頻憶長沙岑大蟲  
群蒙。雀。顯。題。後。荒。黃。的。

文殊

去劫七佛師範靈山八萬參頭幼孩垂翠楊髮獅子

凝紫電眸橫拈真如意寶忘卻金剛利矛欲知他真  
面目人人具箇箇周

稽首大聖文殊清淨法身畫圖若就紙頭見鑿井尋  
白雲衢又離筆端覓向東追金畢晡灑稽首大聖文  
殊

五臺山獨坐國清寺顛狂他無許多技有些子所長  
芥中劈白石海底掬青霜雖論三處夏元臥十虛林

若人欲尊重放手盡情量情量空卻處儼然見妙相  
妙相非所見非見是聖鄉嗔狗舐熱油鐺

觀音

三處 古尊因自忘日  
文殊 過夏未至  
三山 西來問云仁者  
今復何如安恬去珠  
曰二月在祇園精舍  
一月在三童子學堂一  
月在娑房酒肆迦  
兼曰何得住此不如  
法如所云

前叢毒藥卷之八



即現宰官身或現長者身問君未現日何處藏全身亦

楊柳觀音

搖止啼金葉垂無鉤釣絲折當貫魚索縮添送客詩羅

觀音大士十六羅漢諸天同圖

二八應真敬自在身許多天眾及俱群鱗大士說偈  
親轉法輪爾等群類不隔纖塵失掌中玉仰佗桂輪  
桂輪掌玉掌玉桂輪願同共入薩波若者箇溪藤一  
見人性海

艸座觀音

打坐青艸座提起翠柳瓶彼是誰家子彼是誰家子  
竹動新涼金影碎松擎纖月露華青

馬郎婦

海島有民居名道金沙灘雖老幼群處不知有佛法  
都無信因果況來生苦趣一日有老媪攜少婢娟來  
顏如桃李花態度甚間雅不知何處人言來求配偶  
島民皆爭請如渴驥見泉媪正色制言胡為其騷雜  
娘子只一身諸君不知數非分身千百何塞公等需  
若習普門品一夜得熟讀其人必匹配請試各誦之  
婆探紅錦囊出經次第附婆為教授師終夜教不倦



物故 史白奴傳漢士  
卒 一 數 萬 日 漢 以 未  
謂 死 名 一 物 之 故  
夏 死 者 之 所 復  
能 於 夏

張臂各爭讀記者十數員次附金剛經讀得七八箇  
重出妙法華擇最初記持雖爭進競讀非輒可誦得  
有搔首欠伸有掩卷大息有拋經悲泣有斷望退走  
特有馬氏郎不日得記誦盡禮親迎請室家唱萬歲  
當洞房挑燭娘子罹重病不久乍物故島中盡悲傷  
各觀世無常執經讀誦多或時有梵僧攜錫下空中  
到彼墳墓處卓錫有挑出黃金鎖子骨光明照四遠  
僧高聲告曰此大慈靈骨爾等宜瞻禮努力出惡趣  
言了懸錫頭荷飛空中去大慈善巧力寔三十二應  
女身得度者即現婦女身

虛空藏

一切衆生心虛空同一相所求茲滿足故道虛空藏  
不動

烈焰堆中現忿怒躬蹈斷佛界躍翻魔宮點破苦厄  
曉日吞雲指揮神鬼鮮艸伏風拈戒定慧融心佛衆  
靈驗妙應淡煙過權落花啼鳥觸處遇公巍巍德相  
寥寥太空

維摩詰

爾時文殊法王子為衆問維摩詰言我等各自既說  
了如何是不二法門



豐子

豐干凭虎眠無量壽寒山對面五泄後身問彼無量壽法藏比丘還是誰後身

寒山

人請寒山贊余等閒點頭令及還畫軸咬筆凝雙眸文近實證鳥賦意

拾得

對坐佛盤食鞭撻土地神國清寺山王供具被鳥得因甚而快活見鵬上承塵本手而目

布袋

兜率內院教主紅塵堆裏風狂高提起團扇子看忘稱勤真務勤分身千百億

卻大布囊皤腹膨無一物是真福壽無量主此涅槃地也

布囊一睡鼻息如雷聞得分曉閣門大開主此篇初樣

聖德太子

推古帝勸撰政

幼周公補衣職征守屋伴法興隆障蹈薄冰夢神遊衡山寺奪震且八

軸頓大乘還茶毒扶桑國放五千爛葛藤莫言用明難查五七

帝子彼三生藏老僧南岳慧思四文市

辯財天

人人具足箇箇圓常勵禪宗坐禪武士武吉倆行供養焉朝早起先梳髮螻

髮紡績掃洒莫怠捐誰家不歸取軟弱免饑凍何處急家不

出錢可貴今生清苦志盡成來世善因緣孝順行樂三行自有

孝子迹貞節效彼列女傳大道唯歸身心潔行樂三行雖兒女

子學先賢若人常如是履踐次第見行樂三行自性煥然夕晚



寢三復此語此外更無辨財天

外現辨財天女內秘觀音大慈縱江海變遷去度生

願無休期

稽首大辯財尊天即觀音菩薩垂示現畢竟人人本具

性離自性別無福德性海寬廣斯言大勤修德行即

是辯孝弟仁恕以為財不奢不貪是稱尊心上清閒

此上天勸君第一要見性此外更求福德神即是世

間閒妄想

大黑

人人本具底真性萬德圓成無我他心佛眾生同一

大黑天神山滿陀羅尼聖後相有帝海廣翰書字卷至奉納泉涌手云神竹卷曰大國主神亦名天物主神亦名國主天已貴尊由日其子受作主尊一百廿一神一

質名之道摩訶迦羅

忠恕帽裁得圓義禮履束以穿儉約槌揮右手仁智

囊聳左肩是名潔白君子武門大黑尊天

八幡

仲哀天皇聖太子神功皇后即其孃降誕三韓軍營

裡武內宿禰護襪祿後即位大蘇黎首民皆尊應神

天皇今垂跡於巖清水鎮護王法到無疆稱言八幡

大菩薩靈應如虛谷應聲

天神

若人供養北野神有勝儼茶菓香湯正直元是神全



體以慈悲為其心腸仁怒勝彼數千燭孝弟超他百  
味牀不奢不貪注連潔不怠不貧大寶藏愛人人敬  
寬廣社克己已康為神牆辭讓謙遜無上塔室家和  
樂為常禳勤慎二柱華表轟怨親平等寶劍光朝風  
起三復此語此是君家管丞相

渡唐天神

於傳長者亦有法華詩之全領時曰爾未上故朝皇前讀至僧於是天神夢說之曰爾聞之於此需說十燈十鏡十符至而真相現十鏡如彼帝細重々之神國之思也而市之區市指全見怪山年等云云

入唐吸盡龍淵底歸去今成螻國神本地南無觀自

在分身百億刹塵塵

林天滿大自在依此等

達磨

體露堂堂胡種族虛凝寥廓無邊疆幾人擬欲對此

老徹曉苦吟曲木牀或言粲然今在掌甚憐二隔數

尋牆不可畫兮不可贊彩鳳豈當腐鼠腸

出一叢林入一叢叢叢各有少林風在龍翔昨輕淡

掃弘法山中碧目翁

全體體露錯見半身半身全體布衫七斤

香至王子般若多兒形模極醜凡桃俗梨

碧目衝開天愧淨紫髯輕觸日吞輝林家不玩斯閒

夢煨芋殘餘補紙衣

日教中人敬老胡真少室延嶺秋光一輪

鈴懸碧目戟栽紫髯非佛非祖不神不仙挫六宗哲

教對在掌二

支子燭  
一册之幅及

遠列少池

在子語

先須參

不且雅事

真出家

純田極妙之支君須見

同日

天竺三



出五派賢（德才曹洞海仰）

隻履達磨

見性成佛蔓上添枝紫髯碧目彼是阿誰分鞋兩處赤脚阿師

神光斷臂圖

斷臂換眼好肉上瘡缺齒胡子可字神光（杖法眼）

六祖

雖擔起莊上杵肚裏無一粒木最苦黃梅夜半泥牛

驟入狂波（團役頭）

德山

折佛殿兮咬猪狗肚皮荊棘見參天賣油餓婆目成後掛牌渡兒吹毒焰龍潭水底欠三尺象骨室中隔八千同條生也同條死野鬼張眉數紙錢（德山湘潭）

臨濟

子不孝僧不律逢客揮瞋拳看人漫喝咄堂堂骨相冷秋霜可惜斯人有斯疾（論語）

識神認得為真人塗殺自家面目真就中狼藉閒家具三玄三要四料賓（每句實八面）

巖頭

并吞德山鑑欺誑雪峯存商略末後句煩多少後昆（大小從山不空）



岩頭和尚一日因一波女  
抱一孩兒來乃云呈程  
舞舞即不同且道婆婆  
手中兒甚處得來而便  
打破女曰汝如生七子六女  
不遇知音祇箇一箇  
中不消得便拋水中  
宋元七

就中<sub>テ</sub>最苦<sub>キ</sub>蘆葦裏逢<sub>テ</sub>婆<sub>カ</sub>艷言<sub>ニ</sub>暗斷<sub>ツ</sub>魂<sub>ヲ</sub>

百丈<sub>ノ</sub>達<sub>ノ</sub>高祖<sub>ノ</sub>百丈<sub>ノ</sub>為<sub>テ</sub>大宗<sub>ト</sub>

少林九代祖八十餘員中道骨鬼嫌見神威花失紅

忘卻鼻頭痛錯認耳底聾立成多少煩規則絆倒後

昆此者翁

松源<sub>ノ</sub>於<sub>テ</sub>駿<sub>ノ</sub>田<sub>ノ</sub>并<sub>テ</sub>桃<sub>ノ</sub>源<sub>ノ</sub>寺<sub>ノ</sub>松源<sub>ノ</sub>靈<sub>ノ</sub>會<sub>ノ</sub>自<sub>テ</sub>西<sub>ノ</sub>自<sub>テ</sub>贊<sub>ト</sub>

古人刻苦光明必盛大不信看取箇老漢何以爲驗

開口不在舌頭上

無準

寶曆壬申秋應請於南豆賀茂郡萬法山主命評唱

圓滿常照國師語錄一會徒衆三千指諸方碩德宗

匠影響見贊助法會者大凡三十肩其餘緇素日向

數千指堂上挂佛鑑範禪師佛光元禪師二師聖像

佛光國師贊辭依堂頭需向既書畢見請無準贊辭

亦并書予常恠此老漢三十年意竊謂如師大宋第

一高德梵行清淨殊勝一老翁而已唯所惜欠少這

些子法窟爪牙在焉何故如常照國師者既在師輪

下喪身失命向後見息耕於鷲峰得東山下宗旨師

若有彼奪命神符豈漏泄到鷲峰哉今當綴鄙贊使

僧讀師傳讀到最後示寂偈便言來時空索索去也



鶴林見至淮南師曹白  
有虎影須此老

赤條條夏要問端的天台有石橋予見中間欠闕一  
字予不覺吐舌寒毛咸卓豎從前疑兒乍斃即合掌  
嘆曰寔如師者大宋一代龍門也宜哉得其人甚多  
也東海二十四番毒華橫抽七技指東者特師乎書  
以當贊辭

大應國師駿列安部手越村光臨寺大應永金日自西自晉

竊偷愚虛堂家產奪卻超宗峰膽魂東海日多孫鼻  
祖玄濟北十八世孫傳來二十四流內獨續東山左  
邊怨稽首南浦紹明老生緣安部手越村  
瑞雲馬翁和尚濃列 市首多此有用又詳生學徒也 實錄百一縣之立序也

塞翁馬淮南子

淮南塞翁失馬之入胡  
人予之其翁曰詎知不  
為福歟曰其馬將胡  
駁而歸人賀之翁曰  
詎知不為禍具子乘  
之果隊折臂人弔  
之翁曰正知是福也  
秦始築萬里城因其  
子處翁老幸得免

非塞翁馬非巢父牛四十載踏殺五湖雲衲非汾陽

獅非紹隆虎數千里驚走四海豪英秣足利高原嘗  
濃陽淡水把鞭追隨者二三載未曾窺佗半月程同  
握喫乳者三四人未曾留鳳毛一莖莫言無超影追  
風種大地山河他怒眼睛幸列見附 馬翁 名馬毛生テフノモ

慈恩湖峰和尚幸列見附 馬翁 名馬毛生テフノモ

激酬佛祖慈恩厚拗折大梅孤頂枝吸乾體道玄源  
毒打出松南英傑兒手中電拂握煙坐肩上田衣綴  
錦垂非智非愚是何物道湖峯宗佐禪師  
源立藍水和尚駿之葉ノ京一寺



寒泉 雪峯傳僧問  
古澗一時如何師曰  
目不見底曰飲者如  
何師曰不從口入不  
從鼻入入槽却問  
古澗寒泉時如何列  
曰苦日飲者如何列  
曰死師問得乃曰趙  
古仙 趙聖作礼自  
此不若語 劣元

清見前住

華圃君楚錦屏兩岷千花百花佳氣滿襟秀蘭禪子

一杓二杓惡毒洒面陽水南親打出非青非黃者一

兩人欺謾尋芳尋翠者幾許箇萬波同澤新添蒼龍

半片鱗一碧中分密印千江一輪月寒泉瞪目不看

底古澗喫著乍喪身今拜掛真於白水涯奇哉為兔

栽角曾窺操履於白華頂似則握土為金

大徹法眼禪師

寶曆第五乙亥春予龍津講維摩時濃東梅龍雄和  
尚遠馳專使需贊辭開真紫袍可奪目高德傳聞溢  
口碑讚之如兔邊拔角誦之似龜背栽髮曹源國清

及龍福派分六處伊是誰三住西京妙心寺大徹法

眼老禪師

遠州龍翔開祖

開闢龍翔列聖叢噴拳熱喝立下風莫言曾睡關山

月元是華嚴方廣中

確叟和尚

宇棟禪兒怒萬英父金剛山頂搖拽息耕蔓葛藤瑞  
雲堆頭拈弄密庵破沙盆接待四來衣架飯袋絆倒  
江湖馬領驢腮初親結眉於蒼龍潭中一見如舊相  
識中共應請於東淵波底約勝會於此山勝會今既



成其人何處去（化）之子果遺命（石山寺）印施龍寶毒（德安國）爪牙報答  
他波恩其顙有汗焉（孟子）鼓動鵠林老鴉鳴家醜向外舉  
大寂定中伏乞首肯（生前勿未改）雜毒海裡無風起波掛真堂堂  
五十六醜面皮佛祖不悅見堂中孜孜四百箇龍蛇  
蝎外魔須扣頭老淚數行應堂頭需破文章聊當贊  
辭

駿列寺  
接取東桂和尚

寂定巖子孟首座（大休）爺正法山頭入列聖荆棘叢掀翻  
南浦毒浪富春山裏補老僧破法席飲嗽東山家常（吳山祖）  
溫良恭謙見人如父兄仁慈忠恕聞者願師友前住

當山東桂珉和尚

三列天野  
淵龍陽舜和尚

哲人既去七星落禪苑從茲轉寂寥天德主人來請  
贊展真夜雨打芭蕉忠玉泉爺說默隱子初生尾藤  
氏室父遠江藤家武臣共參亞頂門（駿府）禪幾扣毘耶丈  
方戶博覽強記吾不如爾百拙千醜應須還吾蒼龍  
潭底常隨祖山傍奪卻領下物淵龍室內訂正無文  
錄運出衣內珍吾愛立蓋代功莫言五十年夢況選  
他實錄示潛行於后昆命梓親印施挑孤燈於澆末  
彼是誰誰是被前住方廣陽舜秀禪師



和陽春和尚壽影贊

清見寺子山巨老 齧背之參上座需丈方之各經之字 惟肖辭溢不聽轉辭轉  
金像 需歸來展唐紙雖師不曾趙僧歸西 開面門無地下筆予  
趙僧歸西 舉體肥重恨當時不能打筋斗越塗糊以塞需師  
僧歸不能西 有贊辭和雅高古寔可貴吟玩數次終至背諷背  
陽春和尚 諷而不足寫以授二三子授而不足自和高韻和  
見七 而不足書以附便是又第二重醜拙乎呵呵  
見七 熟思師相似無物可說似況故筆求似始知其不似  
見七 若知不似似何物不相似參上座要徹底似回顧自  
見七 視似不似

佛日雲山和尚

佛日雲山 道標高古氣宇清閒西航海撞著古月黑光擊碎佛  
日列大光寺 心印東還家透脫玄沙道底拗折法窟牙從是惱害  
好舟 諸方枯木裏禪徒或時描貌近隣曲糸上諸老心交  
好舟 四十歲別淚千萬行其徒一兩肩來請題畫像真是  
好舟 昔光堂頭定中遊戲贊即沙羅樹下睡裏狂言贊語  
好舟 未成先春睡夢中相對笑顏親覺來老淚滿衣袖七  
好舟 月廿二當午時

菩提樹頂門和尚

菩提樹頂門 正覺山主攜頂門亞和尚挂真來請予贊辭予歡



喜不辭何哉予昔謁正受之後來往師輪下者蓋  
三五年於茲矣深受法愛一日隨師行師急回顧  
曰若句他時穿鑿去松蔭一株高予言下即言千歲栽  
培了菩提長樹憐師大笑而已予常作等閒看謂  
他是一員老和尚豈無者般見地哉他是一員善  
知識豈無者般奇特哉矣後來西走見數員大善  
知識始駭除卻一箇正受他是當時無雙大宗匠  
焉遙望東低頭合掌令對掛真顧前事老淚連落  
強力書矣行脚歌

前住當山頂門亞和尚貞亮高雅含蓄溫純正覺山

頭十二時鞭撻生獐驢腮馬面菩提樹下四十載吐  
吞鹹酸毒霧臭煙真風將墜地師特咬牙禪苑漸就  
荒他常攢額昔入石院破爐鞴裏拾得東山鈍鋸刀  
後報澤水毒乳冤家結成華園塗毒果淨名室內驚  
覺五百員默照坐正宗贊會判殺數十肩老古錐掛  
真令既畫虎作狸宜哉縱僧繇亦不繪成亦可也亦  
可也唯願千載之下孫枝子葉得師爪牙者不絕惟  
禱惟祈

東興松崗瑞巖百如和尚

昔入東光荆棘叢共當大巧老婆乳後傾青龍毒波



浪活捉瑞巖主人公伊是阿誰幻夢庵子郁文靈親

瑞岩寺中花菴現住

龍泉大天和尚

泉澤峯子覺仰天爺幾運步於錦華惹五千七千蔓  
葛曾應請於黃檗輔三百五百戒筵代大士坐毘盧  
藏與道宣入那伽定初喫獨湛嗔拳魂飛魄散後拋  
無文鐵印鬼哭神驚是龍泉中興祖師大天志源老  
和尚

信列敘山一菴道鏡惠瑞禪巾俗姓

道果親求正受真畫成數紙隔楚秦書經塵劫寫難

東嶺一石改回慈

老骨榻 貞和佳下  
万福西來老骨榻

得破釜著鞋過孟津

三教一面圖 中央釈迦右孔子左老子

三面一頭老骨樞斯人而各有斯病聃尊往古丘當  
處調御獨誇未現過勤力推關應拔串知劈核豈患  
枝芽縱三子者撰甚妙捏目玩吟空裏花江海茫茫  
無人會納僧屋後半編歌隔年垢襪不藏指見得分  
明定到家

三教聖人教則失真不教不學錯認識神

神農

民庶化育彼結繩時鞭艸知藥斲木作犁令吾火食



異禽獸効德仁人多學醫

莊周

鬚顏銀髮垂拱默然非是方丈老應是南華仙真非

真是何處在胡蝶歸來夢始圓

關羽

勇皮仁髓忠膽義腸力楚項籍智漢子房赤兔一丈

嘶裂城隍青龍八尺并吞虎狼西蜀黎首懷如爺孃

北魏奸賊恐過刀鎗事其兄婦貞松衝霜救彼弟急

壽戰一場前關平在後是周倉昭烈帝弟羽字雲長

鍾馗

唐明自疾且愛有龜藍袍曰臣終南山進士也除天下虛耗之孽

聞結美人髮象王繫不超今把鼻毛拽失嚴威者誰

拾魍魎食鬼名道鳩鍾馗昔入玄宗夢取鑷定貴妃

寔恐妖艷色鬼神還可羈

坐禪鍾馗

見畫跡跌坐鬼神恐道藏況鍾馗大臣豎起鐵脊梁

西行

昔佐藤兵衛憲清出家後自道西行可憐鳴起澤秋

晚打失身心空有名

問與松西行

背卻法堂著艸鞋德山應訪瀉山回或人言否僧圓



位非欠問與松繪哉

豐臣太閤

庶而窮人臣頂和而著唐人冠淮陰才子房智靜海明帝贈日本國王印

福姜維肝頌金帛賑諸侯遣將士伏三韓彼三條石手相國清成入道天

橋柱秀吉名書欄干父后腹碎如石大

梁田蛻岩

貫通儒釋道講演禮智仁彼梯本翁後石城有此人播列赤石

世繼氏賑窮民圖

繼氏名政幸參禪常勇猛修萬善不倦菩薩行無飽去年來明石破予兩重關聞予隻手聲能止一切音京三條高倉此寺屋主喜兵衛

雖未上予堂證據入予室如來真骨身得分粒七顆比奈寺曼寺

盛金玉寶塔附圓慈歸袖寄予雲門山為法城鎮護比山辺六十六

遠近皆隨喜來往如蟻列寶曆壬申春積雪二三太比山辺六十六

鞍馬到小原民村三十區凍餒不颺燠既經六七日

政幸聞此事心大悲歎曰縱傾盡資財一生當艱辛

誓救此必死何忍居見之家屬堤行盛扶繼氏美志大鉄洋

涉雪八九里處處告此事窮民大得力悉皆欲蘇活

馱驢載馬來盡分施米穀如繼堤二子塵中希有士

繼若微堤勇豈成此大義堤亦微繼富何行此慈善

昔有一雜僧相者見驚曰雜僧嗟已哉只得七日活



雜慎慎不樂泣行辭父母中路有細流群蟻流赴江  
離見折蘆葦為橋度群蟻相者見嘆曰爾修何德行  
今有福壽想必多救物命離語以蟻事師亦聞相悅  
果成有德僧壽到九十歲救彼小虫命道此必死厄  
況多少人類二子其壽乎願答此德行同共圓種智  
予隨喜不足畫示多少人

牧童

牯牛何處得爾亦誰家兒蹄健吟身瘦力強貫索危  
老僧教爾牧牛法捉則逸兮放則隨叱

蟬圖

有雙臂大張雙眸指虛碧者郭素而在蘆葦之間拭  
目熟視彭蟹先生也予曰吁壯哉子質大凡物謙下  
則泰也憍抗則否也蓋夫仰望青蓮目目不暫捨者  
靈山八萬徒也仰窺萬機身陷不義到今義士欲食  
其肉者大漢王莽也仰眠春暄擬捉彼蚨蝶者花下  
貓兒也仰視雲霄獨立物表者衲僧嶮隨者也今爾  
六跪二螯仰公然者何謂哉彭蟹子曰走亦有端由  
豈徒事哉雖然大異彼三四者撰者也予則肅容曰  
必有其事願聞其要蟹子搖容低聲告曰實者我不  
知胡為事但常如此而已曰然則所以為子性乎蟹



子終橫趨而云不知不知入蘆花淺水邊去

遠山歸鳥圖

壁間水墨甚幽邃應是歸禽占舊枝雲外斜連蒼蠅  
翼煙中淡掃美人眉

野鬼鞭骨圖

從鞭自先骨盡了鞭底心可貴鞭底物直是古佛心  
僧昔坐塚上坐對枯蓬月夜波動悲風見鬼鞭朽骨  
怨恨積如狼雙眼怒似鶻不知何為心終夜鞭不歇  
僧行畏問言爾本誰家卒彼有何冤讎何故而辛罰  
鬼如恨如慚啼泣且告曰我元富貴人耽色擇輒滑

分別功德論云沙門在塚間親見屍屍有餓鬼打之屍屍問云何我如是打之沙門云何不守汝心屍有祠過須臾問復有天人云天幸散其屍沙門問云何故答云我因此屍得生天上此屍即是我善友故未報前身見沙門云汝善何不散汝心中之善惡之本皆心所為何捨不來末耶

事親不孝慈見人如株楸不知有幽冥心似貪求獨  
只因愛自身今見此顛蹶久遊劍樹林常處黑暗窟  
可恨舊爛骸害吾過斧鉞此恨無休期每夜斯鞭咄  
語終淚血紅苦咽傻嘔噓僧亦號泣離行將數十笏  
見一古墳傍有天拜枯骨雜佩響琳琅寶薰氣芬醇  
頭上七寶鈿腳頭錦繡襪五雲滿丘陵光彩飾林樾  
僧復再拜訊尊儀何輕忽何事親瞻禮臭骨孰捐楮  
想以吾身微何幸得來謁天日子來前豈我亂為屈  
我元窮家兒常不飽糠粃因積小善根生忉利金闕  
前身今在茲來拜報毫髮語了入煙雲慘淡吟蛩蟬



五衰有二大五衰頭  
上花萎腋下汗出垢  
溼身體臭穢不樂  
本座小五衰者衣  
服絕香身光勿心  
垢滴沾身本性裏  
馳

可惜鬼兼天其僧盍剔揭鞭骨如隣虛何出生死  
大梵梵輔臺五衰終沈沒生死海若了鞭底心四智乍煥發  
可貴自心源為出世船筏縱無量罪障了心立地竭  
非是欺誑論萬古不易碣

荆叢毒藥卷第八

...



